

Bwrdd Iechyd Prifysgol Betsi Cadwaladr (BIPBC)
Grŵp Cyfeirio Rhanddeiliaid (SRG)

Nodiadau o'r cyfarfod a gynhaliwyd ar 17 Rhagfyr 2019
Yn y Neuadd Gynhadledd, Canolfan Fusnes Conwy, Cyffordd Llandudno

Yn bresennol:	Yn cynrychioli:
Mr Ffrancon Williams	Cymdeithasau Tai (Cadeirydd)
Mr Gwilym Ellis Evans	Mantell Gwynedd (Is Gadeirydd)
Mr Mark Wilkinson	Cyfarwyddwr Cynllunio a Pherfformiad, BIPBC – Cyfarwyddwr Gweithredol Arweiniol
Yr Athro Robert Moore	Rhwydwaith Cydraddoldeb Rhanbarthol Gogledd Cymru
Mr Garth Higginbotham	CIC Gogledd Cymru
Cyng Mike Parry	Un Llais Cymru
Mrs Jackie Allen	Trydydd Sector Wrecsam
Cyng Louise Emery	Cyngor Bwrdeistref Sirol Conwy (rhan o'r cyfarfod)
Mrs Fiona Evans	Cyngor Gwasanaethau Gwirfoddol Conwy
Ms Llinos Roberts	Gwasanaeth Cynnal Gofalwyr
Mrs Ann Woods	Cyngor Gwasanaethau Gwirfoddol Sir y Fflint
Hefyd yn bresennol:	
Dr Chris Stockport	Cyfarwyddwr Gofal Sylfaenol a Chymunedol (rhan o'r cyfarfod)
Mrs Kamala Williams	Pennaeth Strategaeth (rhan o'r cyfarfod)
Mr Glynne Roberts	Cyfarwyddwr Rhaglen – Gogledd Cymru Iach
Suzanne Didcote	Cymorth Ysgrifenyddol

Eitem Agenda		Gweith-redu
S19/49	Croeso ac Ymddiheuriadau	
S19/49.1	Croesawodd y Cadeirydd Jackie Allen i'r cyfarfod fel cynrychiolydd newydd Trydydd Sector Wrecsam. Croesawyd y Cyng Louise Emery fel cynrychiolydd newydd Cyngor Bwrdeistref Sirol Conwy.	
S19/49.2	<u>Derbyniwyd yr ymddiheuriadau canlynol:</u> Sian Purcell, Cyngor Gwasanaethau Gwirfoddol Medrwn Môn Trystan Pritchard, Hosbisau Gogledd Cymru Cyng Joan Lowe, Cyngor Bwrdeistref Sirol Wrecsam Cyng Dafydd Meurig, Cyngor Gwynedd Mrs Katie Sargent, Cyfarwyddwr Cynorthwyol - Cyfathrebu Mrs Sally Baxter, Cyfawryddwr Cynorthwyol – Strategaeth Iechyd Cyng Christine Marston, Cyngor Sir Ddinbych Cyng Llinos Medi Huws, Cyngor Sir Ynys Môn	
S19/49.3	Nodwyd for presenoldeb o'r Awdurdodau Lleol yn dal i fod yn isel, ond roedd rhesymau dilys dros y rhan fwyaf o'r ymddiheuriadau a dderbyniwyd heddiw.	
S19/49.4	Nodwyd fod tymor Fiona Evans, Cyngor Gwasanaethau Gwirfoddol Conwy, ar y Grŵp ar fin dod i ben, a gofynnwyd i'w mudiad gadarnhau a fydd yn parhau fel cynrychiolydd neu a fydd aelod newydd yn cael ei enwebu.	Suzanne Didcote

Bwrdd Iechyd Prifysgol Betsi Cadwaladr (BIPBC)
Grŵp Cyfeirio Rhanddeiliaid (SRG)

S19/50	Datganiadau o Ddiddordeb	
S19/50.1	Nododd y Cadeirydd fod ei gwmi ef, Adra, yn un o'r datblygwyr mewn cynllun canolfan Iechyd a Lles y byddai Glynne Roberts yn sôn amdano fel rhan o Raglen Gogledd Cymru Iach. Gan nad oedd penderfyniadau i'w gwneud ac mai diweddariad fyddai'r eitem, nid oedd rheswm i eithrio'r Cadeirydd ar gyfer yr eitem hon.	
S19/51	Diweddariad ar Ofal Sylfaenol	
S19/51.1	Croesawyd Dr Chris Stockport, Cyfarwyddwr Gofal Sylfaenol a Chymunedol i'r cyfarfod i roi cyflwyniad ar Bractis Cyffredinol. Yng Ngogledd Cymru mae 14,000 o ymgynghoriadau Meddyg Teulu bob dydd. Mae 95% o'r ymgynghoriadau hyn yn aros mewn gofal sylfaenol, 4% yn cael eu cyfeirio ymlaen, 1% yn arwain at fynediad brys i ysbyty. Mae yna 105 o feddygfeydd yng Ngogledd Cymru, 75% ohonynt yn gcontractwyr GMS, 16% yn feddygfeydd unigol, 14% yn cael eu rheoli gan y Bwrdd Iechyd.	
S19/51.2	Mae recriwtio yn broblem ar hyd a lled y wlad. Mae nifer uwch o feddygon benywaidd yn ymuno â'r proffesiwn. Mae oedran ymdeol yn amrywio. Y ddwy brif broblem yw'r angen am amgylchedd gwaith hyblyg a'r model gofal. Weithiau nid yw Meddygon Iau am weithio mewn meddygfa annibynnol, tra gall meddygfa dan reolaeth ymddangos yn fwy deniadol.	
S19/51.3	Mae dau brif ateb. Y cyntaf yw'r model gweithlu aml-ddisgyblaethol, lle mae ymarferwyr yn gweithio mewn Timau, ac nid oes raid i bob ymgynghoriad fynd i'r Meddyg Teulu. Yr ail yw'r model gofal Cymdeithasol sy'n hyrwyddo hunan-ofal a chynhwysiant cymdeithasol a all helpu i ddelio â gwraidd pryderon. Mae hyn yn rhan o siwrne genedlaethol ac mae rhaglen strategol o symud meddygfeydd teulu i waith tîm aml-ddisgyblaethol (MDT). Yn lle'r term Clystyrau daeth Ardaloedd Iechyd a Gofal Cymdeithasol. Mae'r Bwrdd Iechyd yn gweithio gyda'r Bwrdd Partneriaethau Lleol i ddatblygu'r Ardaloedd. Crëwyd Academi'r Bwrdd Iechyd sy'n helpu i rannu arfer da, cefnogi meddygfeydd cyn iddynt gyrraedd pen eu tennyn a denu meddygon newydd yn sgil yr hyblygrwydd y gall gynnig.	
S19/51.4	Gofynnodd y Cyng Louise Emery beth sy'n cael ei wneud i fynd i'r afael â mynediad at wasanaethau ar ôl 6pm ac ar benwythnosau. Eglurodd Dr Stockport yr anawsterau ers i gcontractau gael eu negydu i orffen diwrnod gwaith am 6.30pm. Gellir cael gofal brys drwy'r gwasanaeth y tu allan i oriau. Mae gwaith yn mynd rhagddo i weld a oes cyfle i ymestyn y diwrnod gwaith, ond mae dal yn broblem sut byddai hyn yn cael ei staffio ochr yn ochr â darparu gwasanaeth dydd.	
S19/51.5	Holodd Jackie Allen pa waith modelu capasiti sy'n digwydd, gyda'r holl ddatblygiadau tai sydd ar y gweill ac felly'r gymhareb cleifion gynyddol. Gofynnodd hefyd a yw'r model gofal newydd yn rhoi straen ychwanegol ar fferyllwyr. Eglurodd Dr Stockport nad oes data swyddogol ar oriau Meddygon Teulu. Dechreuodd GIG Cymru	

Bwrdd Iechyd Prifysgol Betsi Cadwaladr (BIPBC)
Grŵp Cyfeirio Rhanddeiliaid (SRG)

<p>S19/51.6</p> <p>S19/51.7</p> <p>S19/51.8</p> <p>S19/51.9</p>	<p>gasglu'r wybodaeth hon y llynedd gan edrych ar ymddeoliadau a Meddygon yn cychwyn. Gellir lliniaru'r gymhareb claf a Meddyg gyda'r model gofal MDT. Nodwyd y bu problemau ledled y DU gyda staff llanw fferyllfeydd. Mae'r cynllun mân anhwylderau yn gweithio'n dda ond mae'n dibynnu ar gael fferylllydd cymwys yn ei le.</p> <p>Dywedodd Llinos Roberts fod angen i ran y Trydydd Sector gael ei ddangos yn y model gweithio Amlddisgyblaethol.</p> <p>Gofynnodd Garth Higginbotham pa mor bell ydym ni ar y gwaith hwn ac esboniodd Dr Stockport fod llawer o waith ar ôl i'w wneud.</p> <p>Roedd y Cyng Mike Parry yn teimlo fod mynediad at wasanaethau wedi gwaethygu a gofynnodd am y prosesau brysbennu a syniad am y ddemograffeg. Esboniodd Dr Stockport fod y gweithlu meddygol yn newid. Mae practisis llai yn wynebu heriau. Cynnig contractau cyflogedig yw un o'r atebion, p'un ai bod hynny mewn practis annibynnol neu'n cael ei reoli gan y Bwrdd Iechyd. Pan ddaw practis yn wag, mae'n cael ei gynnig gyntaf fel practis annibynnol, cyn cael ei wneud yn bractis dan reolaeth. Bydd dal i fod cymysgedd o'r ddau. O ran y prosesau brysbennu, bydd eglurhad am beth all pob unigolyn ei wneud yn helpu i ddelio â hyn. Nodwyd fod ystadegau Gogledd Cymru yn dangos nad yw mynediad at wasanaethau Meddyg Teulu wedi gwaethygu.</p> <p>Cadarnhaodd Mark Wilkinson fod yr adborth i'r Bwrdd Iechyd yn cynnwys y materion ynghylch goblygiadau i'r gweithlu, y model MDT sy'n cael ei ddatblygu, ffurfio disgwyliaidau'r cyhoedd a phwysleisio perthnasau gwaith y trydydd sector.</p>	
<p>S19/52</p> <p>S19/52.1</p> <p>S19/52.3</p> <p>S19/52.4</p>	<p>Achos Busnes Orthopedig</p> <p>Croesawyd Kamala Williams, Pennaeth Strategaeth i'r cyfarfod i roi cyflwyniad ar y Rhaglen Orthopedig. Mae galw cynyddol am wasanaethau Orthopedig ac mae gwaith yn mynd rhagddo i edrych ar atal, ymyrraeth gynt a gofal yn nes at y cartref. Mae angen gostwng amseroedd aros ac mae'r gwaith yn cyd-fynd â chynllun gweithredu cenedlaethol Llywodraeth Cymru. Gwelwyd cynnydd yn nifer y triniaethau yn 18/19. Ar hyn o bryd darperir gwasanaethau ar draws 5 safle ond mae problemau gydag Ysbyty Abergele a'i seilwaith cyfyngedig o wasanaethau cefnogi. Cynyddwyd nifer yr ymgynghorwyr ac mae gwelliannau i gyfeiriadau'n cael eu gwneud i hybu ffyrdd newydd o weithio, ac nid yn unig cael gweld ymgynghorydd.</p> <p>Mae Achos Busnes Rhaglen wrthi'n cael ei gwblhau gyda'r nod o sicrhau cyllid gan Lywodraeth Cymru i weithredu'r rhaglen drawsnewid.</p> <p>Holodd yr Athro Moore a oedd y gobeithion o gyflawni'r deilliannau yn realistig. Esboniodd Kamala fod tipyn o heriau o hyd, ond bod y dull o reoli rhaglen yn rhoi cyfle i gyflawni hyn. Roedd Mark Wilkinson yn deall lefel yr amheuaeth, ond dywedodd, os llwyddir i recriwtio 6 ymgynghorydd arall ar draws Gogledd Cymru, gan fynd â'r cyfanswm</p>	

Bwrdd Iechyd Prifysgol Betsi Cadwaladr (BIPBC)
Grŵp Cyfeirio Rhanddeiliaid (SRG)

<p>S19/52.5</p> <p>S19/52.6</p> <p>S19/52.7</p> <p>S19/52.8</p>	<p>i 41, mae modd cyflawni'r rhaglen. Dywedodd y Cadeirydd fod y galw'n cynyddu flwyddyn ar ôl blwyddyn.</p> <p>Gofynnodd y Cyng Mike Parry am eglurder ar a oedd y Safonau Cenedlaethol ar gyfer Llywodraeth Cymru neu'r DU. Cadarnhawyd mai safonau Llywodraeth Cymru oedd y rhain. Gofynnodd am gost triniaethau sy'n cael eu gwneud y tu allan i Ogledd Cymru a'r gwahaniaeth pe baent yn cael eu gwneud yng Ngogledd Cymru. Eglurodd Mark Wilkinson fod rhai achosion cymhleth wedi cael eu trin y tu allan i Ogledd Cymru erioed, ond mae hyn wedi gwaethygu oherwydd problemau gyda newidiadau i bensiynau Ymgynghorwyr, sy'n arwain at ostyngiad yng nghynlluniau lleihau rhestrau aros.</p> <p>Gofynnodd Garth Higginbotham a oedd hyder y bydd pethau'n newid. Dywedodd y bydd hi'n bwysig ymgynghori ar y newidiadau arfaethedig gyda symud gwasanaethau o Abergele a'r angen i symud Wroleg i Fangor o Ysbyty Glan Clwyd o ganlyniad, gan gofio'r effaith ganlyniadol o symud Gwasanaethau Fasgwlaidd o Fangor. Eglurodd Kamal Williams nad oes penderfyniadau pendant am Wroleg, ond roedd yn sylweddoli'r effaith. Ategodd Mark Wilkinson fod yna lawer o newidiadau a allai ddigwydd ac y bydd angen ymgynghori â mynd i'r afael â'r rhain i gyd.</p> <p>Holodd Jackie Allen a oedd amser theatr ychwanegol wedi cael sylw a gwelyau wedi cael eu clustnodi. Esboniodd Kamala Williams fod cais am fuddsoddiad cyfalaf i Lywodraeth Cymru ar y gweill i ailddarparu gwelyau a theatrau.</p> <p>Crynhodd y Cadeirydd y drafodaeth drwy ddweud er bod dymuniad i gefnogi'r cynllun, y neges glir i'r Bwrdd Iechyd yw bod angen gweld y deilliannau'n cael eu cyflawni.</p>	
<p>S19/53</p> <p>S19/53.1</p> <p>S19/53.2</p> <p>S19/53.3</p>	<p>Diweddariad Cynllunio</p> <p>Cyflwynwyd diweddariad ar gynllunio gan Mark Wilkinson, Cyfarwyddwr Gweithredol Cynllunio a Pherfformiad. Mae gwaith yn mynd rhagddo i ddatblygu Cynllun ar gyfer 2020/23. Nid oedd y Bwrdd Iechyd yn gallu cyflwyno Cynllun ar gyfer 2019/20 oherwydd nad oedd ganddo falans ariannol nac yn gallu cyflawni'n brydlon. Mae ymrwymiad i ddatblygu IMTP cymeradwy i'w gyflwyno i Lywodraeth Cymru. Bydd y Cynllun yn cael ei gysylltu â Chymru Iachach. Rydym yn cryfhau'n dull drwy weithio ar sail Economi Iechyd, yn hytrach nag ar draws Betsi Cadwaladr. Bydd y cynllun tair blynedd yn cael ei gyflwyno i'r Bwrdd Iechyd ym mis Ionawr, cyn ei anfon ymlaen at Lywodraeth Cymru erbyn diwedd Ionawr 2020.</p> <p>Cododd y Cyng Louise Emery y pwynt, er bod pwysau'r gaeaf yn broblem, dylid nodi yng Ngogledd Cymru, gyda'r tymor ymwelwyr, fod pwysau'r haf yn gallu bod yn broblem hefyd.</p> <p>Gofynnodd Jackie Allen a fyddai gan y Bwrdd Iechyd gynllun 10 mlynedd. Eglurodd Mark Wilkinson mai cynllun Byw'n Iach, Aros yn Iach y Bwrdd oedd y cynllun 10 mlynedd ac y bydd y Strategaeth Glinigol yn adeiladu ar hyn. Gofynnodd Jackie am dryloywder y</p>	

Bwrdd Iechyd Prifysgol Betsi Cadwaladr (BIPBC)
Grŵp Cyfeirio Rhanddeiliaid (SRG)

	cynlluniau. Eglurodd Mark fod y Bwrdd bob amser yn edrych ar anghenion y boblogaeth fel sail i'r cynllun.	
S19/54	Rhaglen Gogledd Cymru Iach	
S19/54.1	Croesawyd Mr Glynne Roberts, Cyfarwyddwr Rhaglen Gogledd Cymru Iach, i'r cyfarfod i roi cyflwyniad ar y rhaglen Gogledd Cymru Iach. Eglurodd Glynne fod y rhaglen hon yn rhan o Strategaeth gyffredinol y Bwrdd a'i bod yn plethu â'r rhannau o'r gwaith sy'n ymdrin â Gwella Iechyd ac Anghydraddoldebau Iechyd. Mae'n fframwaith i gymunedau a mudiadau lleol weithio gyda'i gilydd i wella iechyd a lles a lleihau anghyfartaledd. Mae'n canolbwyntio ar rwydweithio, tai a digartrefedd, tlodi bwyd, canolfannau iechyd a lles a phresgripsiynu cymdeithasol. Sylwer fod 3 allan o'r 10 ardal o amddifadedd yng Nghymru yng Ngogledd Cymru.	
S19/54.2	Ceir cysylltiadau â Cymru Iachach gyda sylw ar atal. Mae Canolfannau Iechyd a Lles yn cael eu datblygu. Mae'r gwaith ar ddigartrefedd yn parhau. Mae prosiectau wedi'u seilio yn y gymuned. Mae gwaith yn mynd rhagddo gyda phartneriaid ynglŷn â banciau bwyd ynghyd ag addysgu a hyfforddi'r cyhoedd. Nod presgripsiynu cymdeithasol yw gwneud pobl yn llai ynysig. Un enghraifft o hyn yw'r ffordd mae Celfyddydau mewn Iechyd yn dod â phobl at ei gilydd. Mae'r Bwrdd Iechyd yn gweithio'n agos gyda'r Awdurdodau Lleol ac mae'n dipyn o her cydlynu hyn ar draws Bwrdd Iechyd mor fawr.	
S19/54.3	Mynegodd Garth Higginbotham ei syndod am rai o'r ystadegau oedd yn y cyflwyniad am dlodi a sut gall hyn fod. Dywedodd Glynne Roberts fod creu'r isadeileddau hyn yn gwneud gwahaniaeth.	
S19/54.4	Dywedodd Ann Woods y gallai'r pwysau ar y Gwasanaethau Iechyd gael eu lleihau gryn dipyn os yw'r Rhaglen hon yn cael ei gwneud yn iawn. Nododd fod presgripsiynu cymdeithasol yn digwydd mewn sectorau eraill hefyd.	
S19/54.5	Holodd Gwilym Ellis Evans am gyllid ar gyfer llochesau nos. Dywedodd Glynne Roberts nad yw'r Bwrdd Iechyd yn eu hariannu. Nid yw digartrefedd yn ymwneud yn unig â'r rhai sydd ar y stryd. Mae LIC yn edrych ar y broblem yn ei chyfanrwydd ac mae cefnogaeth draws bleidiol yng Nghymru i fynd i'r afael â digartrefedd.	
S19/54.5	Dywedodd Jackie Allen na fyddai pobl o ardal cymunedau'n gyntaf yn cydnabod yr amddifadedd bob amser. Mae yna hefyd bobl sy'n cam-drin y system a sut mae adnabod yr achosion go iawn. Cydnabuwyd fod hyn yn wir a dywedwyd na all un unigolyn wneud hyn ar ei ben ei hun.	
S19/54.6	Dywedodd yr Athro Moore ein bod mewn cymdeithas sydd fel pe bai'n hybu tlodi a nododd y credyd cynhwysol fel enghraifft bosibl.	
S19/54.7	Yn ei grynodeb, dywedodd y Cadeirydd fod y Grŵp yn gwerthfawrogi'r gwaith sy'n cael ei wneud a'i bod yn foddhaol clywed ei fod wedi cysylltu'n dda â'r Awdurdodau Lleol. Mae'r Grŵp yn cefnogi'r gwaith	

Bwrdd Iechyd Prifysgol Betsi Cadwaladr (BIPBC)
Grŵp Cyfeirio Rhanddeiliaid (SRG)

	hwn ond yn pryderu am yr amddifadedd a'r tlodi cynyddol, a sut mae mynd i'r afael ag anghydraddoldebau iechyd.	
S19/55	Nodiadau Draft y cyfarfod blaenorol a gynhaliwyd ar 10 Medi	
S19/55.1	Cymeradwywyd y Cofnodion fel rhai cywir.	
S19/55.2	Cytunwyd y dylid diweddarau'r rhestr aelodaeth a'i hanfon i'r Grŵp am gadarnhad, yn dilyn rhai newidiadau a nodwyd.	Suzanne Didcote
S19/56	Adroddiad Cynghorol y Cadeirydd i'r Bwrdd	
S19/56.1	Cadarnhaodd y Cadeirydd fod y nodyn cynghorol wedi'i adrodd yn ôl i'r Bwrdd a bod pryderon y Bwrdd wedi cael eu deall a'u derbyn.	
S19/57	Crynodeb o'r Cofnod Gweithredu	
S19/57.1	Derbyniodd y Grŵp y Cofnod Gweithredu, nid oes gweithredoedd yn agored ar hyn o bryd.	
S19/58	Eitemau i'w hystyried ar gyfer y cyfarfod nesaf a Blaengynllun	
S19/58.1	Cytunwyd ar yr eitemau canlynol ar gyfer y cyfarfod nesaf: <ul style="list-style-type: none"> • Cynllun busnes Offthalmoleg • Achos busnes Wroleg • Diweddariad ar Reoli Meddyginiaethau • Diweddariad Cyllid • Datganiad Ansawdd Blynyddol • Y broses o ethol Cadeirydd ac Is Gadeirydd 	
S19/58.2	Gofynnodd y Cyng Mike Parry a ellid gwahodd Gwasanaeth Ambiwlans Cymru i'r cyfarfod i roi diweddariad ar yr oedi gan ambiwlansys. Cadarnhaodd y Cadeirydd y gellid ystyried hyn.	Suzanne Didcote
S19/59	Gwerthuso'r Cyfarfod	
S19/59.1	Gofynnodd y Cadeirydd am unrhyw adborth ar y cyfarfod. Llongyfarchwyd y Cadeirydd gan Garth Higginbotham am ei Gadeiryddiaeth ragorol. Cafwyd trafodaeth ynghylch a ddylai fod mwy o gyflwyniadau gan Rhanddeiliaid eraill ac a fyddai hyn yn helpu i wella presenoldeb yn y cyfarfod gan Awdurdodau Lleol a phartneriaid eraill. Eglurodd y Cadeirydd a Mark Wilkinson fod y Grŵp Cyfeirio Strategol, sy'n un o is-bwyllgorau'r Bwrdd Iechyd, yn canolbwyntio ar y materion strategol i'r Bwrdd Iechyd ac yn defnyddio'r fforwm yma fel ffordd o ymgynghori â'n Rhanddeiliaid.	
S19/59.2	Gofynnodd Jackie a ddylid ystyried gofyn i'r Awdurdodau Lleol ddatganoli eu haelodaeth i eraill er mwyn sicrhau presenoldeb. Cadarnhaodd y Cadeirydd y byddai hyn yn hollol dderbyniol a bod yr ohebiaeth ddiweddar ynglŷn â diffyg presenoldeb wedi awgrymu gwneud hyn. Pan mae eitemau ar yr agenda sydd angen adborth	

Bwrdd Iechyd Prifysgol Betsi Cadwaladr (BIPBC)
Grŵp Cyfeirio Rhanddeiliaid (SRG)

	Awdurdodau Lleol, awgrymwyd tynnu sylw at y rhain pan mae'r papurau'n cael eu hanfon allan.	
S19/60	Er gwybodaeth – eitemau a ddsbarthwyd rhwng cyfarfodydd <ul style="list-style-type: none"> • Arolwg Colli Clyw ac Adborth Ymgysylltu gan yr SPPH • Cynllun Cydraddoldeb Strategol drafft i Ymgynghori arno • Diweddariad ar y Gwasanaeth Lensys Cyffwrdd • Diweddariad ar Barcio a Theithio Ysbyty Glan Clwyd • Papur ar y Berthynas â'r Trydydd Sector 	
S19/60.1	Adroddodd Gwilym Ellis Evans fod bidiau am gyllid yn cael eu hystyried ar gyfer y gwaith ar golli clyw.	
S19/60.2	Gofynnodd y Cadeirydd i bawb anfon unrhyw sylwadau ar y berthynas â'r trydydd sector at Sally Baxter.	
S19/61	Eitemau a ddsbarthwyd i'r aelodau er gwybodaeth <ul style="list-style-type: none"> • Adroddiad Monitro Blynyddol Gwasanaethau'r Iaith Gymraeg • Adroddiad Blynyddol y Cyfarwyddwr Iechyd Cyhoeddus 	
S19/62	Dyddiad y Cyfarfod nesaf: Cynhelir y cyfarfod nesaf ddydd Mawrth 3 Mawrth 2020 am 10am, ym Mhreswylfa, Yr Wyddgrug.	

Cofrestr Presenoldeb:

Enw	Swydd / Sefydliad	4/6/19	10/9/19	17/12/19	3/3/20
Mr Ffrancon Williams	Cymdeithasau Tai (Cadeirydd)	√	√	√	
Mr Gwilym Ellis Evans	Mantell Gwynedd (Is Gadeirydd)	√	√	√	
Mr Mark Wilkinson	Cyfarwyddwr Cynllunio a Pherfformiad, BIPBC – Cyfarwyddwr Gweithredol Arweiniol	√	√	√	
Cyng Penny Andow	Cyngor Bwrdeistref Sirol Conwy	x	x		
Cyng Louise Emery	Cyngor Bwrdeistref Sirol Conwy			√	
Mrs Fiona Evans	Cyngor Gwasanaethau Gwirfoddol Conwy	x	x	√	
Cyng Llinos Medi Huws	Cyngor Sir Ynys Môn	x	x	x	
Cyng Christine Jones	Cyngor Sir y Fflint	x	x	x	
Mr Andy Long	WAST – Rheolwr Ardal y Gogledd	x	x	x	
Cyng Joan Lowe	Cyngor Bwrdeistref Sirol Wrecsam	X	x	X	
Cyng Christine Marston	Cyngor Sir Ddinbych	X	x	X	

Bwrdd Iechyd Prifysgol Betsi Cadwaladr (BIPBC)
Grŵp Cyfeirio Rhanddeiliaid (SRG)

Cyng Dafydd Meurig	Cyngor Gwynedd	X	x	X	
Yr Athro Robert Moore	Rhwydwaith Cydraddoldeb Rhanbarthol Gogledd Cymru	X	√	√	
Cyng Mike Parry	Un Llais Cymru		√	√	
Mrs Sian Purcell	Cyngor Gwasanaethau Gwirfoddol Medrwn Môn	X	√	x	
Helen Wilkinson	Cyngor Gwasanaethau Gwirfoddol Sir Ddinbych	X	x	x	
Mrs Ann Woods	Cyngor Gwasanaethau Gwirfoddol Sir y Fflint	X	x	√	
Ms Claire Sullivan	NEWCIS	X	x	x	
Mrs G Winter	Ymddiriedolaeth Gofalwyr	X	x	x	
Mrs Sally Baxter	Cyfarwyddwr Cynorthwyol Strategaeth Iechyd, BIPBC	√	√	x	
Mrs Julie Pierce	Cyngor Gwasanaethau Gwirfoddol Sir Ddinbych	√	√ Mair Davies yn ei lle	x	
Mrs Fran Hughes	Cyngor Gwasanaethau Gwirfoddol Sir y Fflint	√	√	X	
Ms Llinos M Roberts	Gwasanaeth Cynnal Gofalwyr, Ardal Gorllewin BIPBC	√	x	√	
Mrs Mary Wimbury	Fforwm Gofal Cymru	√	x	x	
Mr Mark Thornton	Cadeirydd CIC Gogledd Cymru	√	x G Higginbot ham yn ei lle	x GH yn ei lle	
Mrs Katie Sargent	Cyfarwyddwr Cynorthwyol – Cyfathrebu, BIPBC	√	√	x	
Mr Trystan Pritchard	Cynrychioli Hosbisau Gogledd Cymru		√	x	
Mrs Sherry Weedall	Cymdeithas Mudiadau Gwirfoddol Wrecsam	Ddim yn berthnasol	√	x	

V1.0